

Na osnovu člana 205. Zakona o osnovama bezbjednosti saobraćaja na putevima u Bosni i Hercegovini („Službeni glasnik BiH“, broj 6/06, 75/06, 44/07, 84/09) ministar komunikacija i transporta Bosne i Hercegovine donosi

NAREDBU

O HOMOLOGACIJI MEHANIČKIH UREĐAJA ZA SPAJANJE VUČNIH I PRIKLJUČNIH VOZILA

I PODRUČJE PRIMJENE

Član 1.

Mehanički uređaji za spajanje vučnih i priključnih vozila i sastavni dijelovi moraju biti homologovani u skladu sa ovom naredbom.

Ova naredba donosi zahtjeve koje mehanički uređaji za spajanje vučnih i priključnih vozila i sastavni dijelovi moraju da ispunjavaju kako bi se na međunarodnom nivou smatrali međusobno usklađenim.

Odredbe ove naredbe se primjenjuju na uređaje i sastavne dijelove namjenjene za :

- motorna vozila i prikolice namjenjene da formiraju skup vozila;
- motorna vozila i prikolice namjenjene da formiraju zglobno vozilo, gdje vertikalno opterećenje na motorno vozila od strane prikolice ne prelazi 200 kN.

Odredbe ovog pravilnika se primjenjuju na:

- standardne mehaničke uređaje za spajanje i sastavne dijelove u skladu sa standardnim dimenzijama i karakterističnim vrijednostima prema ovoj naredbi. Oni su međusobno zamjenjivi unutar njihove klase, nezavisno od proizvođača;
- nestandardne uređaje za spajanje i sastavne dijelove koji nisu u svakom pogledu u skladu sa standardnim dimenzijama i karakterističnim vrijednostima prema ovoj naredbi, ali mogu biti spojeni sa standardnim uređajima za spajanje i sastavnim dijelovima u odgovarajućoj klasi;
- razne nestandardne uređaje i sastavne dijelove koji nisu u skladu sa standardnim dimenzijama i karakterističnim vrijednostima prema ovoj naredbi i ne mogu biti spojeni sa standardnim uređajima za spajanje i sastavnim dijelovima. Oni uključuju npr. uređaje koji nisu u skladu sa bilo kojom od klasa od A do L i T, kao što su uređaji namjenjeni za poseban prevoz teških tereta i raznovrsni uređaji usklađeni sa postojećim nacionalnim standardima.

II ZAHTJEVI

Član 2.

Jednoobrazni uslovi za mehaničke uređaje za spajanje i sastavne dijelove iz člana 1. ove naredbe koji podliježu ispitivanju, metode ispitivanja, način vršenja kontrole saobraznosti serijske proizvodnje sa homologovanim tipom, postupak i način uzimanja uzoraka serijske proizvodnje, sadržaj izvještaja o ispitivanju radi izdavanja saopštenja o homologaciji, izgled homologacijske oznake i obrazac saopštenja o homologaciji dati su u Jednoobraznim propisima koji se odnose na homologaciju mehaničkih uređaja za spajanje vučnih i priključnih vozila (Pravilnik broj 55 Ekonomske komisije za Evropu Organizacije ujedinjenih

nacija, u daljem tekstu: ECE pravilnik br. 55), sa važećim izmjenama i dopunama koje je prihvatila i primjenjuje Bosna i Hercegovina, donesenim na osnovu Sporazuma o usvajanju jednoobraznih tehničkih propisa za vozila sa točkovima, opremu i dijelove koji mogu biti ugrađeni i/ili korišćeni na vozilima sa točkovima i uslovima za uzajamno priznavanje dodijeljenih homologacija na osnovu ovih propisa ("Službeni glasnik Bosne i Hercegovine", broj /2010).

ECE pravilnik br. 55 u izvornom obliku (na engleskom jeziku) dostupan je u Ministarstvu komunikacija i transporta Bosne i Hercegovine, odnosno kod organizacije određene za obavljanje administrativnih poslova u oblasti homologacije.

III HOMOLOGACIJA I ISPITIVANJE

Član 3.

Homologacija mehaničkih uređaja za spajanje i sastavnih dijelova iz člana 1. ove naredbe vrši se na uzorcima tipa obuhvaćenim ovom naredbom.

Homologacijska ispitivanja mehaničkih uređaja za spajanje i sastavnih dijelova iz člana 1. ove naredbe može provoditi samo laboratorija ovlašćena od strane Ministarstva komunikacija i transporta Bosne i Hercegovine.

IV PROVJERA USKLAĐENOSTI

Član 4.

Provjera usklađenosti vozila sa zahtjevima ove naredbe provodi se prema postupku koji je propisan Pravilnikom o homologaciji vozila, dijelova, uređaja i opreme vozila („Službeni glasnik BiH”, broj 41/08).

Pri provjeri usklađenosti vozila prihvataće se homologacije dodijeljene u skladu sa serijom (serijama) izmjena i dopuna ECE pravilnika br. 55 prema Odluci o najnižim tehničkim zahtjevima za novoprodukciju i korišćena vozila pri homologaciji tipa vozila i homologaciji pojedinačnog vozila, koju će donijeti ministar komunikacija i transporta Bosne i Hercegovine.

V PRIMJENA

Član 5.

Ova naredba stupa na snagu osmog dana od dana objavljivanja u „Službenom glasniku BiH”.

Danom stupanja na snagu ove naredbe prestaje da važi „Naredba o obaveznoj homologaciji mehaničkih uređaja za spajanje vučnih i priključnih vozila” („Službeni list SFRJ”, broj 63/89).

Ministar

.....
mr sc. Rudo Vidović